

۲۲ شعبان ۱۳۳۲

تلفون ۱۰۹۷

امور اداره و تحریریه و اعلانات و ساثره
ایچون مدیر مشوله مراجعت ایدلیدر .
عرفای امتك مقالات متصوفانه لرینه
جریده صوفیه نك صحیفه لری آچیدر .
درج ایدلیان اوراق اعاده ایدلز .

پنجشنبه

۳ تموز ۱۳۳۰

جریده صوفیه

شیمدیك هفته ده بر نشر اولئور .

نسخه سی ۴۰ پاره در .

ابونه سی: برسنه لك اعتبارله ممالك عثمانیه
ایچون بشین اوله رق ۴۰ آلتی آیلنی ۲۵
غروش و ممالك اجنیه ایچون اونا یکی فرانقدر
محل اداره باب عالی جوارنده ابوالسعود
چاده سنده نجم استقبال مطبعه سی

عدد — ۹۶

تصوفی ، دینی ، اخلاقی ، ادبی ، سیاسی جریده اسلامیه در .

سنه — ۲

قضا و قدر

قال علی کرم الله وجهه (دواء القلب الرضا بالقضاء) قلبه دواء قضایه رضا ایدرد. قدره ایمانم اولدینی کبی قضایه ده راضی یم قضا و قدر مسئله سنده حیرت و ضلالت چوقدر . باطل الوهم والخیال اولان اکثر ناس غلبه چالمشدر .

بعضیلری عیددن بالاخیار صادر اولان فعلی محض خیر تلقی ، بعضیلریده واحداًلقهاره نسبتی نفی ایتدیلر برطائفه ده اعتقادده اقتصاد طریقنی اختیار ایتدی .

اوچنجی طائفه صراط مستقیم و نهج قویمی اختیار ایدره ک کندیلرینی فرقه ناجیه دن عد ایتشلردر .

افعال اختیاریه عباد ، خلق و ایجادجهتیه مقدورالله تعالی درتملقی اعتباریه وجه دیگرله مقدور عباد اولیورمی ؟

امرا اکتسابده حرکت عبدک نسبتی قدرت حقه در . بوکاخلق تسمیه ایدلدیکی کبی قدرت عبده نسبتی اعتبارده کسب دیرلر .

امام اشعری افعالده اختیار عبدک اصلاً مدخلی یوقدر دیمشدر .

عقیب اختیارده حق اوجداً لافعالدر جزیان عادتده بونی متقضیدر .

قدرت حادثه نک تأثیری اولورمی ؟ فکرینه ذاهب اولور ایسه ک مذهب

جبره تمایل ایتش اولوروز . بوسیدن جبر متوسط ایله تسمیه ایدلدی .

ابواسحاق الاسفرائی اصل و حصول فعلده تأثیر قدرت حادثه ایله مجموع

قدرتی تجویز ایتیور اثر واحدده جهتین مختلفین ایله قدرتین مستقلینک

اجتماعی فصل تجویز ایدیلور « قاضی ابوبکر باقلانی فعل ، وصف

تأثیر قدره حادثه ایله موصوفدر دییورلر طاعت و معصیت ده بویله دکلیدر ؟

تأثیر قدرت حادثه اصل و وصف فعلده مشترکدر . وصفده تأثیر ایچون

معنی بدون الاصل جائز اولورمی ؟ وصف اوفعل اوزره مختصراً اثری

دکلیدر ؟ بوده تأثیر اصل فعل اوزره بر تأثیر زائده محتاجدر . وجود

وصف ، وجود وصل اوزره زائده اولدینی کبی اشعری یه کوره

قدرتده تأثیری ایجاد ایدن الله تعالی در . نفس قدرت حقت ایجاد و

قدرتک تأثیریه دکلیدر ؟ صوابه یقین اولانده بودر . اشعری حقیقتده

دائرة جبره داخل اولدی . اونک عندنده حقیقه اختیار و تأثیر قدرت حادثه

قالدی . جبری نهک عندنده فعل اختیاری اساساً یوقدرکه فاعل حقیقی یه

نسبت جائز اولسون مجازاً اوله ییلور .

اشعری یه کوره اختیار ثابت اولماز ایسه فاعله فعل حقیقه قدرت

عبده نسبت اولنور . کرك اوقدرت فی الجمله مؤثر اولسون .

شوسوزلر مذهب اهل حق عیان و اهل باطلک کیتدیکی طریق

نفی ایدر . حقیقه فعلی فاعلدن نفی و فاعله اوفعلی مجازاً اثبات ایدرسه

ینه مذهب جبری نهک حیقامامش اولور جبری نه صرفه کفر محض و انکاردر

بونده ده ضرورت یوقی ؟ جبری نهک صاحب تمهید ظاهراً و مجازاً فعل

عبدکدر دیدی .

اوچ فصلک تمامی ده شایب و جوانلق یعنی کنجک وانک متعم و مکملی اولان کهولت یعنی بهادرلق و قهرمانلقه تنوج ایدر . شو حسابه نظرأ صاحب سعادت اقدمز حضرتلری بهادرلقک نقطه قطیبت و درجه اکملیتده امر تبلیغه مأمور بیورلمش اولدینی کبی دائرة معنویه اسلامیتده صفوف اولین ایمانی کنجبلر زمرة مبعله سی تشکیل بیورمشلردر . ایشته اوکنج و معناً و ماده دینج اولان ذات پاک حضرت احمدیه ینه سناً کندوسندن ده کنجبلر یاردم ایتکده عموم ارباب ایمانه سبقت ایتدیلر نشر دینده معاون اولدیلر بوکونکی درتیوز ملیونه قریب و بلدکده فضله اولان کتله عظیمه اسلامیه نک اساسی تحکیم ایتدیلر .

بوکونکی اسلامیت اوکونکی فعالیتک مدیون شکرانیدر بوکونکی کنجکک متدار عاطفتی و ثمره شان و سطوتیدر بوکونکی اسلاملر او کونکی کماين اهل ایمانک « زماناً و موقعاً ، حالاً و موضعاً » ضغای اخوانیدر و حییه شکرانک ایضاً ، منت و ثمره شان و سطوتک ادامه و انجاسی ، بوضعیتک قوت و صلابته انقلاب و ارتقاسی ، بوکونکی مسلمانلرک اوکونکی مسلمانلره امتثال و انلرک اثرنه اتباع ایدرک روحانیت قدسیلرندن اخذ فیوضات التماسیه حاصل اوله ییلور .

اشته بنم اعتقادده کوره بدر محاربه سنده کی اسلام بهادرلرینک هر برلرینک روحانیتی اعصار اخیره نک هر برنده برر ملیون اسلام روحنک مادر معنوسیدر آنلره نسبتله روحانیت محمدیه نک « رتبه نبوت نقطه نظرندن » قرق آتی دفعه فضله لغنی ملاحظه یه آلمق و بو حسابه خاتمت نبوتک فضلته شرفی برکتی ده ضم و علاوه ایتک صورتیه بوکون کره ارضده کی اسلاملرک مقداری میدان چیقار [بو حسابه منکرک عقلی ایرمیدیه ده احکام اسلامیه نک بساطت جلیه سنی ادراکدن عاجز اولان افرادک غوامض لدیه یی احاطه ایدیه جکی طیبی اولقله بز اخوان فی العرفانمزه قارشو تقریر مرام و اداره کلام ایتش اولدق] « محمد رسول الله والذین معه الخ » تفسیره باقلسون خلاصه : « بنم اتم طرف الهیدن رحمت اولمق اوزره نزول ایدن یاغمور قطره لرینه مشاهددر آنلرده خیر و برکت آرمق ایچون متقدم و متأخر لرینی تفریق ایتک نظر ملاحظه یه آلمز » مآلنی فرمان بیوران پیغمبر ذیشان اقدمز حضرتلرینک امتلکنی جانم منت بیلان کنجبلر و کنجکک عالمی بو دینه ، بو ملته ، بو وطنه بحق خدمت ایدیه بیلمک و کندولرنده خیر و برکت حاصل ایدرک عالمه رحمت اولمق ایچون هر شیدن اول تربیه دینه و آداب اسلامیه ایله متدین و متأدب اولوب مادیات و معنویاتی دین محمدی یه مغایر عقائد باطله و اعمال سیئه دن تخلیه و اخلاق حسنه انسانیه و اعمال صالحه اسلامیه ایله تخلیه ایتک لازمدر والا فلا ...

نونهال نجه آشلانمز ثمار اجنبی

اولسه اولسه او عمل اشجاره جنسندن اولور

فاتح — درانغان

مصطفی فوزی

تعالينك عبدی تعذبي نصل ممکن اولور ؟ عبد ایچون اختیارک ثبوتی حقہ نسبت ظلمی رفع ایدیور . ملک مطلقده کیف مایشاء تصرف ایدر نسبت ظلم اولور ایچون مستلزم ثبوت اختیاردر . شو نسبتده مجازاً احتمال نصل تصور ایدیور جناب حق عبده طاعت واستطاعتی مقداری تکلیف ایدر (یریدالله ان یخفف عنکم وخالق الانسان ضعيفاً) حکیم و رؤف ورحیمدر . حکمت رحمت و رافتله تکلیف مثابه سنده بولنیور . برقی به تکلیفات شرعیه بی عدم ایفا قدرتی نصل مشکل کلیور ایسه مرض باطنی به گرفتار اولمش فقط صاحب قدرت بر مرد دیوسیره دخی اویله جه اثباتی مشکل کلور . مثلاً هوایی نافی اولان نماز عسری متقی اولمازی ؟ . مقتضای کمال ؟ مستقیم الاحوال اولمقدر .

هرچه خوبان کند خوب آید

منو بخوان

علی فواد

اِکْبِسَات

منظومه انتباه

رفته رفته یولنه کیردی بو ملک فردی
خیلی دمدر ادبانک بو ایدی هپ دردی
سعیه عطف نظر ایلر عقلانک مردی
سعی ایله ارلریمز یرلره آلتون سردی
مسلمانلر اویانک ایشته او ساعت کلدی

(۲)

علم و عرفانی بوتون أوروبا بزدن آلدی
بزی اعلا ایدن اولاد عربدن چالدی
بزی تنبلکمز شمدیکی خاله صالدی
سعی ایله ارلریمز یرلره آلتون سردی
مسلمانلر اویانک ایشته او ساعت کلدی

(۳)

کذب ایله بر یره کلزدی بیلیردک ایمان
بویه امر ایتمش ایدی چونکه بی ذیشان
مؤمنک رهبر توفیق دگلی قرآن
سعی ایله ارلریمز یرلره آلتون سردی
مسلمانلر اویانک ایشته او ساعت کلدی

حقیقتده عبدک اوفعله استطاعتی یوقدر بلکه عبد بر آغاچ کیدرکه اوده روزکارک حرکتده تابعدر . دیمک که عبد حرکتده شجر کی مضطر اولیور . (هذا کفر) (ومن اعتقد یصیر کافراً) عباد ایچون افعال یوقدرده (ما یفعله العبد والفاعل هو الله سبحانه) دیر ایسه ک (هذا کفر) حق خالق ایله حق مخلوق تفریق ایتملی .

عبدک قدرت واختیارینک افعاله تأثیری یوقدر دیر ایسه ک افعالك عبده نسبتی قالمز بعضری وجود افعاله قدرت علت عادیه در دیوزلر بوصورتنده قدرت ایچون صدور افعاله مدخل وارددر . قدرک معناسی احداث وایجاد اکلا یورم (خالق کل شیء) معتزله و قدریه قضا و قدری انکار ایندیله جناب حقک شر اوله رق قضاسی اولسیدی اوقضا اوزرینه عذاب ترتب ایتمردی دیدیلر . بوجهل عظیمدر . قضا عیددن قدرت واختیاری سلب ایتمیورکه سوبلیدکلری وارد خاطر اولسون . عبدک ایشله بوب ایشله مامسی اختیار ذاتیه سنه وابسته دکلیدر ؟

اختیاری ایجاب ایدن شی اختیار ایچون محققدر . قضایه نظرله فعل سبحانی یا واجب و یا خود ممتنع دکلیدر ؟ .

قضا وجود ایله تحقق ایندیکی و قنده اوشینک وجودی عدم ایله تعلق ایندیکی و قنده امتناعی لازم کلزمی ؟ وجود فعل اختیاری اولور ایسه حکم اوله منافی اولور . و جناب بارینک مختار اولماسی لازم کلور بوده کفردر . ایجاد افعاله استقلال قدرت عبد اولورمی ؟ بواعقاده ذاهب اولانلرده کمال ضعف وغایت سخافت وهوس انتشار وارددر . اونک ایچون (ان المجوس اسعد منه) دیدیلر مجوسلر شریک واحد اثبات ایتمدکلری کی معتزله سنه شرکاء لاتخصی کوستردیلر قوجه جبریه (لا فعل العبد اصلاً) دیمک جرأت کستاخانه سنده بولندی کندی حرکتلری جمادک حرکاتی کی تلقی ایندیله (لا قدره لهم اصلاً) دیمکه قدر واردیلر بونلر قصد واختیاری ترک ایدیورلرده عبدک خیرایله مثاب اوله جفنی شرایله عتاب ایدلیه جکنی اعتقاد ایدیورلر . بونلره کوره کفار وعصات معذور و غیر مسؤولدرلر ، فطاک کلیسنی جناب حقندن بیلورلر . عبدک اوفعلی ایشله مسنده معذور کوریورلر . بونلر کفردر . بومرجهده ملعوندر . چونکه معصیت ضرر و یرمیور عاصی دوجار عذاب اولمیور . دیورلر

قال (صلم) لغت المرجئة علی لسان) بالضروره بونلرک مذهبی باطلدر حرکت بطش ارتعاش ایله مساوی اولورمی ؟ اولکیسی اختیار ایله ایکنجیسی اویله میدر ؟ . نصوص قطعیه بومذهبی نافیدر . (جزاء بما کانو یعملون) (فمن شاء فلیؤمن فمن شاء فلیکفر) بوجهتلر منزله پادر . (حفظنا الله تعالی) اشعرینک ذاهب اولدینی کی اختیار عبد حقیقه ثابت اولسنه ایدی ظلم حقہ نسبت اولمازی ایدی حالبوکه جناب حق ظلمی رافع ؛ عدلی اختیار ایتمشدر . عبدک نه اختیاری ونه ده قدرته تأثیری وار اویله دگلی ؟ . اولور ایچون حقہ ظلمی نسبتی قبول بر امر ضروریدر بوقول ؛ خدا عالم هدیانددر . هیچ بروقت نه فی الجمله ونه ده بالجمله حقہ نسبت ظلم تجویز ایدلیه مز . اختیار عبد اولماز ایسه حق